



Martin Landolt (san.), il president da la pbd, e Hansjörg Hassler, cusseglier naziunal e president da fracziun.



Dus Engiadinais e commembers da la pbd cun la cussegliera federala: Otto Morell, Eveline Widmer-Schlumpf e Gian Reto Schorta (da san.).



Han gronds merits per il success politic da la pbd: cussegliera guvernativa Beatrice Simon e cusseglier naziunal Hans Grunder.



Er da la partida a la festa giubilara ils deputads Gian Michael, Donat (san.) e Duri Campell, Ciuos-chel.



Cussegliera naziunala Ursula Haller (san.) e cussegliera guvernativa Barbara Janom Steiner.



Delegadas e delegads han decidì da betg sustegnair l'iniziativa da famiglia da la pps. FOTOS G. N. STGIER

«Nus na faschain betg politica da pussanza»

Cuira: Festa da giubileum 5 onns Partida burgais-democratica

DA GION NUTEGN STGIER / ANR

■ Il november 2008 è vegnida fundada la Partida burgais-democratica (pbd). Oz ha quella passa 7000 commembers ed è cun Eveline Widmer-Schlumpf schizunt represchentada en il cussegl federal. Cun far politica reala saja la pbd ina partida etablida, ha ditg il president Martin Landolt. Cun 200 persunas han ils organisaturs da la radunanza da giubileum, la pbd Cuira, quinta e vegnida en a la fin bunamain 400 dunnas ed umens. En il fratemp ha la pbd 17 sezziuns chantunales ed ils chantuns cun ils pli blers commembers en il Grischun, Berna e Glaruna. Dapi il 2009 ha la pbd in'atgna fracziun en il parlament federal e president da fracziun è cun cusseglier naziunal Hansjörg Hassler in Grischun. Da preschent è la partida giubilara represchentada a Berna en la chasa federala cun ina cussegliera federala, in cusseglier dals chantuns e 9 cussegliers naziunals e cusseglieras naziunales. Ultra da quai è la pbd er represchentada en quatter regenzas chantunales. En il Grischun en quai cussegliera guvernativa Barbara Janom Steiner e cusseglier guvernativ Hansjörg Trachsel, en il chantun Berna represchentada Beatrice Simon la pbd en la regenza ed

en il chantun Glaruna è quai cusseglier guvernativ Robert Marti. Plaschaivel saja dentant er che la pbd saja actualmain represchentada cun 88 deputadas e deputads en ils parlaments chantunals, ha accentuà Martin Landolt tar la festa da giubileum 5 onns pbd a Cuira. El ha lura er anc ditg che la pbd saja activa er sin champ communal e quai schizunt cun 484 mandataris.

Numerus hajan bain sutvalità la pbd

Fundada è la pbd vegnida il 2008, suenter l'exclusiun da la pps dal Grischun da la partida svizra. Il motiv d'exclusiun è stada la tschernada dad Eveline Widmer-Schlumpf il 2007 en il cussegl federal. La nova cussegliera federala e successura da cusseglier federal Christoph Blocher è lura er daventada quella persuna che ha contribuì il pli bler al success da la pbd. Gronds merits che la pli giuvna partida svizra saja sa sviluppada dad onn tar onn haja lura er cusseglier naziunal Hans Grunder, Berna, ha ditg Martin Landolt sonda passada a Cuira. El ha er ditg che numerus hajan bain sutvalità la pbd dapi la fundaziun e da preschent saja quella ina partida etablida cun betg far politica da partida, mabain politica reala. Ultra da quai saja la pbd ina partida pitschna

ed uschia vegnia er betg fatg politica da pussanza, ha ditg Martin Landolt als 400 preschents tar la festa da giubileum.

Nagina fusiun cun la pcd

Il Glarunes ha lura er ditg che la pbd vegnia en il futur vinavant a collavurar cun la pcd, dentant ina fusiun cun quella partida saja nagin tema. Ina vaira sfida saja per la direzzion da la partida e per tuts commembers dentant er da sa posiziunar pli bain en la Romandia e fin il 2019 d'augmentar la quota d'electurs sin 10%, ha ditg Martin Landolt, cusseglier naziunal e president da la pbd. La pbd saja tut auter che mo ina chausa da curra dura. Cussegliera federala Eveline Widmer-Schlumpf ha ditg che la pbd saja bain anc fitg giuvna, dentant cun resguardar las prognosas che sajan vegnidas fatgas tar la fundaziun il 2008 saja la pbd gia «veglia». Jon Domenic Parolini, il president da la pbd grischuna, ha lura er gratulà a la giubilara e manegia che la pbd saja bain in pitschen avieul, il qual sappia però er pizgar. Cusseglier naziunal e president da fracziun da la pbd ha ditg ch'il pli bel mument en la giuvna istorgia da la partida saja stada la reelecziun da cussegliera federala Eveline Widmer-Schlumpf il december 2011.



En rotschas en commembras e commembers da la pbd vegnids a la festa da giubileum: Wieland Grass, Daniel Buchli, Heidi Clalüna, Roman Stäbler e Walter Grass (da san.).